



05-06-2019
Sags nr.
Akt nr. 10859060

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.naalakkersuisut.gl

Inatsisartunut Ilaasortaq
Tillie Martinussen, Suleqatigiissitsisut
/Maani

NASA-p timmisartui isumannaallisaanermullu immikkoortiterinerit pillugit § 37 aallaavigalugu apeqquteqaat nr. 197

Asasara Tillie Martinussen,
Inatsisartut suleriaasianni § 37 aallaavigalugu Naalakkersuisunut NASA-p
timmisartui isumannaallisaanermullu avissisarneq pillugit
apeqquteqaateqarsimavutit. Apeqquteqaatit akissuteqaatinnut
innersuussutigineqarput. Ilisimatitsissutigisinnaavara apeqquteqaatit
akiniarneqarneranni Ineqarnermut Angallanermullu Naalakkersuisoq
ilangutitineqarsimammat, tassani apeqqutit siammasissuuneri pissutaapput.

Apeqquteqaat 1: Malunnarpoq inuinnaat takusimagaat timmisartuq NASA lockheed P-3b Orion Ilulissat qulaallugit timmisuq. Naalakkersuisut kikkunnut tamanut nalunaarutigisinnaanerlugu timmisartup taamaattup nunatta qulaani silaannakkut timmineranut suna pissutaanersoq?

Akissuteqaat: Ineqarnermut Angallanermullu Naalakkersuisup
ilisimatitsissutigaa:

National Aeronautics and Space Administration (NASA), amerikamiut
silaannarsualiartitsisarfiata allattoqarfiata ukiuni arlaqalersuni timmisartuq
atorlugu ilisimatusaatigalugu nunatta sermersuani uuttortaanerik timmisartumit
ingerlatsisartut, tassani Sermeq Kujalleq (Ilulissat Kangiata Sermia) ilaavoq.

Ukiuni qulini NASA-p "Operation Ice Bridge" suliaraa, tassani NASA-p
silaannakkut sermersuup allanngoriartornera annertuumik misissuiffigaa. 2009
upernaavani siullermeerluni issittumi takussaalmalli IceBridgeip imermik
pilersuinermit Kalaallit Nunaata kujataata kangiani apummit asseqqasunit, nunap
(sermip) aasinganik siulleraamik sermersuup naqqata ilusaani portussutsinik
takutitsisunik, issittumi imaata sikuata ineriartorneranut takussutissat sukumiisut
pigineqalerput. Ukioq manna naatsorsuutigineqarpoq NASA-p "Operation Ice
Bridge" naggammik ingerlanneqassasoq.

Upernaaq manna 2019-mi NASA-p ilaatigut timmisartuq Wallops Flight
Facility's P-3 Orion atorpa. Timmisartup taassuma aamma ukioq manna
Ilulissat Kangiata Sermianiittoq Sermeq Kujalleq qulaavaaffigaa

nalunaarsuiffigalugu. Inernerusut ilaatigut ugguuna takuneqarsinnaapput:
<https://earthobservatory.nasa.gov/images/76377/looking-under-jakobshavn>

Ilisimatusaatigalugu misissukkat taakku nittartakkani ukunani
malinnaaffigineqarsinnaapput:

<https://airbornescience.nasa.gov>
https://www.nasa.gov/mission_pages/icebridge/index.html
<https://www.nasa.gov/feature/goddard/2019/nasa-begins-final-year-of-airborne-polar-ice-mission>
<https://twitter.com/NASAAirborne>

Aammattaq ilisimatitsissutigineqarsinnaavoq NASA amerikamiut
sakkutooqarfiannit 1958-mi avissaartinneqarnikummat.

**Apequteqaat 2: Naalackersuisut isumaqarpat imaluunniit ilisimavaat
Issittumi sakkussiortoqarnersoq, eqqorttumik oqaatigalugu Kalaallit
Nunaanni, killeqarfiit nakkutiginiarlugit, sakkutooqarnikkut soqutigisat
pissutigalugit imaluunniit allat?**

Akissut:

Naalackersuisut Danmarkilu majimi 2018 qaffasissumik ataatsimiinnermi
qaaqqusisuunikuupput, tassani Ilulissani isumaqatigiissutip ukiut
qulinngortorsiornera malunnartinniarneqarluni. Maj 2008-mit Ilulissani
isumaqatigiissutikkut issittumi nunat imaanut sineriallit tallimat, tassani Kalaallit
Nunaat Danmarkilu ilanngullugit Issittup eqqissisimasuunissaanik,
aporaattoqalissagaluarpallu eqqissisimasumik isumaqatigiinniarnikkut
nunarsuarmioqatigiit inatsisaat atorlugit, aningaasaqarnikkut atuilluarnikkut
ineriartorneq, avatangiisinik illersuineq ilisimatusarnerlu suleqatigiiffigissallugit
imminnut pisussaaffilerput.

Taamaattumik 2018-mi Illersornissaqarfiup Isertortumik paasiniaasartuisa
akornutaasinnaasunik naliliinerat Naalackersuisut isumaqatigaat, ilaatigut
makkuninnga oqaaseqaatitalik, ”*Issittumi sumiiffimmi ineriartorneq issittumi
imaanut sineriallit suleqatigiinneranit malunniuppoq, ilaatigut sumiiffimmi
apeqqutit pingaartumik killeqarfiit, avatangiisit, annaassiniarnerit, nunap inuui
aalisarnermullu apeqqutit eqqarsaatigalugit. Issittumi imaanut sineriallit
tallimaasut 2008-mi Ilulissani isumaqatigiissutip tunngaviusumik
ingerlateqqinnissaanut suli piumassuseqarpoq.*

(...)

Pingaartumik Ruslandip Issittumi sakkutooqarnikkut inissisimanermini nukittorsaavoq. Tamanna sumiiffinni issittumi imaanut sineriallit sakkutooqarnikkut nukittorsaanerannut sunniuteqarnerpaajuvoq, tamanna nunat issittumiittuunngitsut ilaatigut suleqatigalugit ingerlanneqarluni. Suliniutit tamakku najummassimanartorsiorsinnaanermut annertusaaqataapput, Issittumilu suleqatigiinnermi russit nammineernerunissaanik kinguneqarsinnalluni”.

Danmarkimi Naalackersuisut Folketingimi partiit peqatigalugit 2018-mit 2023-mut illersornissamut nutaamik isumaqatigiissuteqarnissamut suliaqarsimapput. Tassani isumaqatigiissutigineqarpoq Kalaallit Nunaat suleqatigalugu Illersornissaqarfiup Issittumiinnerata annertusarniarneqarnerani assigiinngitsunik suliniuteqartoqassasoq. Issittumi silaannaap allanngoriartorerata tikiqqarsinnaaneq sunnersimavaa, niuernikkut ilisimatusarnikkullu periarfissanik soqutiginninnerup annertusineranik kinguneqartumik.

Kalaallit Nunaanni Issittumilu sillimaniarnikkut politikikkut ineriartorneq pillugu Nunanut allanut ministeriaqarfimmit Illersornissamullu ministeriaqarfimmit Naalackersuisut ataavartumik ilisimatinneqartarput. Uani oqaatigeqqissavara Kalaallit Nunaanni Issittumilu Illersornissaqarfiup suliaqarnerani suleqatigiinnerup pitsaasut ingerlateqqinnissaanut Naalackersuisut qilanaarmata, tassanilu Issittup eqqissisimasumik inissisimanissaanut takorluukkat attatiinnarusullugit.

Apeqquteqaat 3: Taamaattoqarsimappat taava Naalackersuisut qanoq ilisimatinneqarpat, tamatumunnga pissutaasoq pillugu?

Akissut:

Apeqqut 2-mut akissuteqaataasoq innersuussutigineqarpoq.

Apeqquteqaat 4: Naalackersuisut sillimanissamut politikkimut tunngasut paasissutissat pillugit Inatsisartut qanoq avitseqatigisarpaat?

Akissut:

Naalackersuisut Inatsisartut Nunanut Allanut- Sillimaniarnermullu Ataatsimiititaliaanik paasissutissanik aviteqateqartarpoq.

Apeqquteqaat 5: Naalackersuisut sillimanissamut politikkimut tunngasut paasissutissat pillugit innuttaasut qanoq avitseqatigisarpaat?

Akissut:

Sillimaniarnermut politikkimik tusagassiutinut nalunaarutit Nunanut Allanut tunngasutigut naalackersuinikkut ingerlatsineq pillugu nassuiaatillu aqqutigalugit Naalackersuisut innuttaasunut paasissutissanik avitseqateqartarput. Soorunami paasissutissat tamaviisa tamanut saqqummiunneqarsinnaanerat pisinnaangilaq, illersornissamut isertuussisussaataitanermullu tunngassuteqarnerat ataqqineqartariaqarmat.

Apeqquteqaat 6: Naalackersuisut pilersaaruteqarnerlutik paasissutissiisarnerup annertussusaanik allannguissaminnut aamma paasissutissiisarnerup qanoq akulikitsigisarnissaanut siunissami?

Akissut:

Naalackersuisut naatsorsuutiginnigilaat tassani allannguuteqartoqassaoq.

Inussiarnersumik inuulluaqqusillunga

Med venlig hilsen



Ane Lone Bagger

Nunanut Allanut Naalackersuisoq
Naalackersuisoq for Udenrigsanliggender